

ԴՐԱՄԱՅԻՆ ՇՐՋԱՆԱՌՈՒԹՅՈՒՆԸ ՀԱՅԱՍՏԱՆՈՒՄ IX—XIV ԴԱՐԵՐՈՒՄ

Խ. Ա. ՄՈՒՇԵՂՅԱՆ

Բազրատունիների թագավորության հաստատման տարիներին դրամային շրջանակությունը Հայաստանում թևակոխել էր իր զարգացման նոր փուլը, որը բնորոշվում է աբբասյան արծաթ դրամների լայն տարածմամբ: Շրջանակության մեջ այլևս չկային արաբական խալիֆաթի վաղ ժամանակների՝ արաբասասանյան և արաբա-բյուզանդական, ինչպես նաև օմայան դրամները: Աբբասյաններն իրենց տերության շատ քաղաքներում, այդ թվում և հայկական քաղաքներում, կտրում էին արաբերեն քուֆի գրերով արծաթյա և պղնձյա դրամներ: Հայերեն գրերով կամ հայ իշխանների անուններով դրամներ չէին թողարկվում:

Դրամային հիմնական միավորը արաբատառ արծաթ դրամն էր, որը ապրանքա-դրամային հարաբերություններում միջազգային նշանակություն ուներ: Պղնձյա դրամները թողարկվում էին տեղական կարիքների համար, և պղինձը սովորաբար քաղաքային կամ նահանգային շուկայի նեղ սահմաններից դուրս չէր անցնում: Ոսկյա դրամների գրվագումը, ինչպես անցյալում, կատարվում էր սահմանափակ չափերով: Առևտրական գործարքներում ոսկե դրամը առավելապես հաշվային նշանակություն ուներ: Ոսկու և արծաթի փոխհարաբերությունը դիտվում էր 1 : 10, երբեմն 1 : 14-ի չափով, ըստ որում, այդ հարաբերությունները կայուն չէին, այլ մշտապես փոփոխական՝ կապված շուկայում թանկարժեք մետաղների գների փոփոխման հետ:


Աբբասյանների տիրապետության մեջ Հայաստանը գտնվում էր նրա հյուսիսային սահմաններին մոտ և Արևելքից դեպի Նվրոպա ձգվող քարավանային առևտրի համար կարևոր նշանակություն ուներ: Ապրանքափոխանակության մղումով, Արևելքի տարբեր քաղաքներից հայկական շուկաներն էին թափանցում աբբասյան արծաթ դրամներ: Դրանց հետ միասին օտար շուկաներն էին անցնում հայկական քաղաքներում թողարկված աբբասյան արծաթ դրամները: Դրանք մոտ 26—30 միլիմետր տրամագծով և 2,97 գրամ քաշով ձուլածո արծաթ կլորակներ էին, որոնց վրա նախապես փորագրված հատուկ կնիքներով պրոշմվում էին իսլամի սուրբ դրքից (Ղուրանից) բաղված արաբերեն ասույթներ, ինչպես նաև հիշատակություններ այն մասին, թե երբ, որտեղ և ում անունից կամ հրամանով է թողարկվել տվյալ գրամը: Արաբական արծաթ դրամի անվանումը Աբբասյանների օրոք չէր փոխվել: Այն շարունակում էր կոչվել դիրհեմ, սերված արծաթ դրամի հունական ΔΡΑΧΜΗ անվանումից: Հայերի մեջ դիրհեմը հայտնի էր գրաբմե կամ պարզապես արծաթ դրամ անունով:

Հայաստանում աբբասյան դրամների թողարկման ամենաբանուկ կենտրոնը Դվին քաղաքն էր: Դվինից բացի և նրան զուգահեռ աբբասյան դրամների թողարկումը կատարվում էր Պարտավ (بردآباد) և Մծբին نصیبین քաղաքներում:

րում, որոնք միջազգային առևտրի նշանավոր կենտրոններ էին, մեկը՝ Հայկական լեռնաշխարհի հյուսիս-արևելքում, մյուսը՝ հարավ-արևմուտքում: Հայաստանում շրջանառության մեջ էին ոչ միայն տեղական թողարկման արհեստյան դրամները, այլև Բաղդադից (مَدِينَةُ السَّلَام), Մոսուլից, Բասրայից, Քուֆայից, Տուստեր մին-ալ-Ահվալից, ալ-Մուհամեդայից, Ռաս-ալ-Այնից, Ամիդից, Արդերիլից, Շիրազից, Սամարղանդից, աշ-Շաշից և այլ քաղաքներից առևտրի միջոցով բերված արծաթ դրամները: Դրանք թողարկվում էին Արհասյանների տիրապետության վաղ ժամանակներից ընդունված միասնական դրամա-կշռային սիստեմի սկզբունքներով: Արհասյան դրամների ընդհանուր հոսանքի հետ ղեռնա IX դարի վերջերից հայկական քաղաքներում շրջանառության մեջ էին մտել նաև առանձին կիսանկախ կամ ձեականորեն Արհասյաններից կախված ամիրայությունների դրամները: Խալիֆաթի տարբեր երկրամասերում նախապես նշանակված առանձին էմիրներ հզորացել էին և անկախության ձգտումով նվաճել էին սեփական դրամ կտրելու իրավունքը Հայաստանում և Աղվանքում, ինչպես նաև Աղբբեջանում, իրենց դրամներով հանդես էին եկել Սաջյան էմիրները: 905—945 թթ. Սաջյանները թողարկում էին արծաթյա ու ոսկյա դրամներ Դվինում, Պարտավում, ինչպես նաև Արդերիլում, Մարաղայում և Թեյում: Կշռային չափերով և արարերեն արձանագրությունների ընդհանուր ձևավորմամբ Սաջյանների դրամները չէին տարբերվում աբբասյան դրամներից: Նրանց վրա նույնպես, ինչպես արհասյան դրամների, գրոշմվում էին Ղուրանից բաղված աղոթքի նույն խոսքերն ալն մասին, թե չկա աստվածություն բացի Ալլահից, և գոյություն չունի նրան հավասար ո՞րե՞ մեկը, ինչպես նաև այն, որ Մուհամմեդը Ալլահի առաքյալն է, և թե Ալլահն ուղարկել է նրան (Մուհամմեդին), որպեսզի այդ հավատը հաղթող դարձնի բոլոր այլ հավատների հանդեպ, հակառակ կռապաշտների դիմադրության և այլն, և այլն: Արհասյանների տիրապետության վաղ ժամանակներից ավանդույթ դարձած այդ ասույթները սլահայանելով հանդերձ, Սաջյանները, սակայն, իրենց դրամների վրա հիշատակում էին նաև ժամանակակից խալիֆի սլատվանունը և Սաջյան տոհմից այն իշխողի անունը, որի օրոք գրվազվել էր տվյալ դրամը: Կամ ղինաբը: Հայաստանում թողարկված սաջյան ոսկյա դրամներից մեկ հայտնի ամենավաղ օրինակը վերաբերում է հիջրալի 300 (=մեր 912—913) թ. և կրում է իր վրա Յուսուֆ իբն Դիվղադի անունը: X դարի առաջին կեսին Հայաստանում շրջաբերվում էին նաև էմիր Վասիլիֆ աս-Սիրավանու, Մուֆլիհ ալ-Յուսուֆի, Մուհամմեդ իբն Արդառադակի, Դասյամ իբն Իբրահիմի և այլ էմիրների ոսկյա ու արծաթյա դրամները:

X դարի երկրորդ կեսից շրջանառության մեջ նշմարվում էին նաև Սալլարյան էմիրների, մասնավորապես ալ-Մարզբան իբն Մուհամմեդի, Ջաստան իբն ալ-Մարդրանի, Իսմայիլ իբն Վասհուդանի և այլոց Արդերիլում, Պարտավում, Մարաղայում 952—965 թթ. գրվազած ոսկյա ու արծաթյա դրամները: Սակայն առևտրի հայկական շուկաներում լայնորեն տարածված արհասյան դրամների հոծ դանդաղում սաջյան և սալլարյան դրամները չէին առանձնանում, այլ ընդունվում էին արհասյան հին ու նոր դրամների հետ միասին: Հայաստանում, Աղվանքում, Աղբբեջանում, Սիրիայում, Իրաքում և Արևելյան խալիֆաթի այլ երկրամասերում Արհասյանների և նրանց ենթակա էմիրների կողմից թողարկված արծաթյա դրամները միջազգային առևտրի շնորհիվ գուրս

էին դալիս իրենց ծագման վայրերից և թափանցում հեռավոր շուկաներ։ Այդ
են վկայում Ռուսաստանում, Մերձքալթյան երկրներում, Ֆինլանդիայում, Շվե-
դիայում, Հեհաստանում, Գոտլանդիայում, Դանիայում, Գերմանիայում, Անգ-
լիայում ու Եվրոպական այլ երկրներում գտնված արծաթյա դրամների դան-



Աբրասյան արծաթ դրամներ, IX—X դարեր։

ձերը։ Դրանց մեջ հայտնաբերվել են արծաթ դրամներ, որոնք VIII—X դարե-
րում կտրվել էին Դվինում, Պարտավում, Բիթլիսում, Մանազկերտում, Մծբի-
նում, Մարդինում, Ամիդում, Թիֆլիսում, Դերբենտում և շատ այլ քաղաք-
ներում։

Միջազգային առևտուրը արտաքին արծաթ դրամները Հայաստան էր բե-
րում և շրջանառության ընդհանուր հոսանքով Եվրոպա էր տանում երեք հիմ-
նական ուղղություններով։ Առաջին ուղղությունն էր՝ Իրաքից, Սիրիայից, Մի-
ջագետքից դեպի Հայաստան և Հայաստանի վրայով դեպի Կասպից ծով ու այ-
նուհետև Վոլգայի ավազանով դեպի հյուսիս-արևմուտք։ Մերձվոլգյան շրջան-
ներում այդ հոսանքը բաժանվում էր երկու ճյուղի, որոնցից մեկը ուղղվում էր
դեպի բալթյան երկրներ ու Դոնյանդի վրայով հասնում Սկանդինավիա, իսկ

մյուսը թեքվում էր Արևմուտք և Դնեպր—Վիսլա սիստեմով հասնում առևտրի գերմանական շուկաները։ Երկրորդ հոսանքը Հայաստան էր գալիս Իրանից և ձգվում էր դեպի Դերբենտ (Բաք-ալ Վաք) ու Կասպից ծովից Վոլգայով թեքվում Դոնի ավազանը։ Այս երկրորդ հոսանքը փոխանցվում էր Դնեպրի սիստեմը ու նրանով տարածվում դեպի Վյուսիս։ Երրորդ ուղղությամբ արաբական դրամները Հայաստան էին թափանցում Իրանի հարավային ու արևելյան երկրամասերից և միավորվելով Իրաք—Սիրիայից դեպի Փոքր Ասիա ձգվող հոսանքին, Սև ծովի վրայով մտնում էին Դնեպրի ավազանը, ճանապարհին կապվում առաջին և երկրորդ հոսանքների հետ։ Դրամային գանձերի տեղագրության այս տվյալներով արտացոլվում են Հայաստանի միջազգային կապերի գլխավոր ուղղությունները IX—X դարերում։ Պատահական չէ, որ Իրանից և Հայաստանից դեպի Վյուսիս, Կասպից ծովի ու Վոլգայի վրայով մինչև Սպիտակ ծով ձգվող քարավանային ճանապարհը հետագայում հայտնի էր դարձել «Մեծ հայկական ճանապարհ» անունով։

Սակայն X դարի վերջերին և հատկապես XI դարի սկզբից փոխվել էր Հայաստանի դրամային շրջանառության կազմը։ Նախ արծաթյա դրամների թարմ հոսանքը նվազել էր և նոր թողարկված արծաթյա դրամներն այլևս չունեին արծաթի պարունակության անցյալի բարձր որակը։ Դրանց մեջ արծաթը ներկայացված էր հատածուլի միայն մակերեսային շերտով։ Հայաստանում և Աղվանքում պղնձի խառնուրդով ցածր որակի արծաթ դրամներ էին թողարկում Շեղագյանները, որոնք XI դարում տեղ էին դարձել Անի, Դվին և Գանձակ քաղաքներին։

Արծաթի սղությունը XI դարի սկզբից նկատվում էր արևելյան շատ երկրներում։ Այն ծայր էր առել Միջին Ասիայից և աստիճանաբար տարածվել դեպի արևմուտք։ Շուրջ երկու հարյուր տարվա տևողությամբ պետությունները թողարկում էին կա՛մ զուտ պղնձյա դիրհեմներ, կա՛մ արծաթի շնչին պարունակությամբ «արծաթ» դրամներ։ Դրսևորվել էր արծաթի ճգնաժամ, որի առաջին արտացոլումը Հայաստանում Շեղագյանների 951—1076 թթ. դրվագաժ խիստ ցածր որակի արծաթ դրամներն էին։ Դրանք թողարկվում էին գլխավորապես Գանձակում, նրանց վրայի արաբատառ արձանագրությունները, մինչ այդ եղած իսլամական դրամների նման, մուսուլմանական հավատի դոգմատիկ ասույթների հետ միասին հիշատակում էին Շեղագյան և միտղոսները ու անձնանունները։ Սակայն լինելով վատորակ արծաթից, շեղագյան դիրհեմներն արտաքին առևտրի մեջ ընդունելություն չունեին, նրանց շրջանառությունը Շեղագյանների տիրապետության սահմաններից դուրս չէր անցնում։

XI դարի սկզբից միջազգային առևտրի մեջ տիրապետող էին դարձել բյուզանդական ոսկյա դրամները։ Ներքին շուկայի համար լայն տարածում էին ստացել բյուզանդական պղնձյա դրամները։ Ի տարբերություն շեղագյան դրամների, բյուզանդական ոսկյա և պղնձյա դրամները Հայաստանում հայտնաբերվում են ոչ միայն առանձին օրինակներով, այլև ամբողջական գանձերի ձևով։

Արծաթի սղությունը բացահայտ իրողություն էր նաև Բյուզանդիայի մեջ, որի դրամային սիստեմում դրսևորվել էր բիմետալիզմ՝ ոսկու և պղնձի բացարձակ առավելությամբ։ Բյուզանդական ոսկուց Հայաստանում շատ հաճախ են գտնվում Կոստանդին VIII (1025—1028), Կոստանդին X (1059—1067) և Ռոմանոս IV (1067—1071) կայսրերի թողարկած գրամները։ Նրանց պահպան-

ված օրինակների միջին քաշն է 4,20—4,40 դրամ ոսկի, որով և ընդհանուր ներդաշնակություն է նկատվում Արևելքում քրիստոնեական և մուսուլմանական ոսկե դրամների կշռային չափերի միջև:

Բյուզանդական ոսկյա դրամները շրջանառության մեջ անմիջապես նախաշվում էին իրենց պատկերներով: Նրանց մի կողմի վրա, որպես կանոն, դրոշմված էր Հիսուս Քրիստոսի պատկերը, հանդիպահայաց, երբեմն գառի վրա բազմած: Մյուս կողմից կայսեր պատկերն էր, շուրջը հունարեն արձանագրություններով: Ռոմանոս IV-ի ոսկյա դրամների վրա պատկերված էին լինում կայսեր և կայսրուհու օծումը Քրիստոսի կողմից, ինչպես նաև կայսեր ժառանգները՝ Միքայելը, Կոստանդինը և Անդրոնիկոսը՝ իրենց անձնանունների հիշատակությամբ:

Բյուզանդական դրամների վրայի պատկերները շունեին պատկերվող անձանց անհատականություններին բնորոշ գծեր: Դրանք արվում էին սխեմատիկ ձևով: Հայաստանում գտնված բյուզանդական ոսկյա դրամները դրվագված են կայսրության մայրաքաղաքում՝ Կոստանդնուպոլսում: XI դարի սկզբին նրանց հատաձույլ կլորակները ունեին հարթ մակերես (25—28 միլիմետր տրամագծով), սակայն հետագայում դարձան մի կողմից ուռուցիկ, մյուս կողմից՝ գոգավոր և էլեկտրիումի խառնուրդից այլևս շունեին վառ պայծառ գույն, այլ դարձել էին դունատ ոսկի, ինչպես նրանց հաճախ անվանում էին:


Բյուզանդիայում այդօրինակ ոսկյա դրամները հայտնի էին նոմիսմա (NOMISMA) անունով: Հայաստանում դրանց անվանում էին «բիզանդ» կամ «դահեկան», «ոսկի դահեկան» և կամ «ոսկի բյուզանդ»:

Բազրատունիների տիրապետության մեջ շատ տարածված էին նաև բյուզանդական պղնձյա դրամները: Շիրակում և Այրարատում հազիվ թե նշվեն շրջաններ, ուր բյուզանդական պղնձյա դրամներ գտնված չլինեն: Դրանք շրջանառության մեջ են մտել Հովհաննես I Չմշկիկի, Կոստանդին VIII-ի, Ռոմանոս III-ի, Միքայել VI-ի, Կոստանդին X-ի և վերջինիս հաջորդների կայսրության տարիներին:

Առևտրի հայկական շուկաներում X դարի վերջերից և XI դարի ընթացքում ամենատարածված պղնձյա դրամը հանդիսանում էր Հիսուս Քրիստոսի պատկերով բյուզանդական պղնձյա դրամը: Դրանք թողարկվում էին առանց ողնէթազավորական անվան հետ կապվելու: Նրանց վրա չէր նշվում որևէ տարբերիվ, ինչպես նաև որևէ տեղանուն: Այդ անանուն և անտարբերիվ պղնձյա դրամների վրա չորս տողով, հունարեն խոշոր տառերով զրված էր, որ Հիսուս-Քրիստոսն է թազավորների թազավորը

(+ IHSYS || XRISTYS || BASILEY || BASILE)

Բյուզանդիայում պղնձյա դրամն անվանում էին ֆոլլիս (ϕολλίσ), որից և սերված են հայերեն «փող», պարսկերեն «փուլ» پول, արաբերեն ֆելս فلس անունները: Դրանք բոլորն էլ նշանակում էին մանր դրամ տեղական առուծախի համար: Բյուզանդական ֆոլլիսը կազմում էր սիլիբվա կշռային միավորի $\frac{1}{24}$ ևս միլիարիսի $\frac{1}{100}$ մասը: Պղնձյա այդ անանուն դրամների հատաձույլ կլորակներն ունեին մոտ 25—30 միլիմետր տրամագիծ և միջին հաշվով 7-ից 12 դրամ ծանրություն, թեև հաճախ շեղվում էին հիշյալ չափերից: Անիում այնքան շատ են գտնվել Քրիստոսի պատկերով X—XI դարերի



Քրիստոնեական ասիական դրամներ, XI դար:

պղնձյա այդ դրամներից, որ բացահայտ է դառնում նրանց ունեցած կարևոր դերը ներքին շուկայում:

Տարաբախտաբար, այդ դրամների վրա չէր նշվում փողերանոցի անունը: Սակայն շրջանառության դարավոր փորձից հայտնի է, որ պղնձյա դրամներն արտաքին առևտրի հետ չէին առնչվում և ներքին շուկայի սահմաններից դուրս չէին անցնում: Հետևաբար, հաղիվ թեև այդպիսիները բերված լինեին Հայաստան միմիայն կայսրության կենտրոնից: Հավանական է, որ դրանք թողարկվում էին նաև Հայաստանում, մասնավորապես Անի քաղաքում, նամանավանդ երբ վերջինս 1045 թ. անցել էր բյուզանդացիների ձեռքը: Հիրավի, Հայաստանում գտնված բյուզանդական պղնձյա դրամների մեծ մասը թողարկման ժամանակով վերաբերում է XI դարի երկրորդ կեսին: Իրենք՝ Շիրակի Բագրատունյաց հայ թագավորները, հայերեն գրերով դրամներ չեն թողարկել: Արեւելքի դրամագիտական նյութի մեջ այդպիսիները դոյություն չունեն: Միակ վկայությունը, որ կա վերաբերում է ոչ թե Շիրակի, այլ Բագրատունյաց իռավա թագավորությանը: XI դարի երկրորդ կեսին, երբ վերացել էր Շիրակի հայոց թագավորությունը, Տաշիր-Ձորագետի Բագրատունյաց լյուդի Կորիկե թագավորը իր անունից թողարկում էր պղնձյա դրամներ: Տարաբախտաբար, այդ դրամները պահպանվել են հատուկ կենտ նմուշներով: Սակայն դրանք հայերեն արձանագրությամբ այն բացառիկ դրամներն են, որոնք թողարկվել են Մեծ Հայքում: Մեսրոպ Մաշտոցի հայերեն գրերի գլուխից հետո: Այդ արտակարգ վկայությունը ուշագրավ է ոչ միայն դրամագիտական առումով, այլ նաև հայ-բյուզանդական առնչությունների տեսակետից: Նրանց մի կողմի վրա պատկերված է Հիսուս Քրիստոսը, հանդիպահայաց, մինչև կուրծքը, գլուխը լուսապսակի մեջ: Քրիստոսի ուսերից վերև նշված են կրճատ ձևով հայերեն ՀՍ-ՔՍ (Հիսուս Քրիստոս), իսկ հակառակ կողմի վրա հինգ տառով արձանագրված է. ՏՐՈԳՆԷ ԿՈՐԻԿ/ԷԻ ԿՈՐԻԿՏ ՊԱՂԱՏԻՆ և այդ անունը վերցված է կետավոր շրջանակի մեջ: Դրամի հատածույլ կտրակներն ունեն մոտ 22—24 միլիմետր տրամագիծ և 5—7 գրամ ծանրություն: Արձանագրությունը Ա—XI դարերին բնորոշ կրոնական մաղթանք է. «ՏէՐ ՈԿՆԷ ԿՈՐԻԿԷԻ ԿՈՐԻԿՏ ՊԱՂԱՏԻՆ»: Ուշագրավ է, որ Կորիկեն ներկայացված է իր բյուզանդական տիտղոսով՝ «Կորաուպաղատ», որը շնորհվում էր կայսրության կողմից: XI դ. այդ տիտղոսով՝ ՄԱՍՏԱՆԱՆԻՆ, հանդես էին գալիս նաև Բյուզանդիայից վասալական կախման մեջ գտնվող վրաց Բագրատունյաց թագավորները:

Դրամի վրա Հիսուս Քրիստոսի պատկերն արտահայտում էր նաև դավանանքի այն միասնությունը, որ կար բրիստոնեական Բյուզանդիայի և Հայոց թագավորության միջև:

Հանդիպահայաց տեսքով Քրիստոսի պատկերն ընդօրինակված էր Հայաստանում այնքան շատ տարածված Ա դարի բյուզանդական դրամներից: Սակայն իռավա հայոց թագավորության այդ դրամները բյուզանդական ու մուսուլմանական դրամների հոծ զանգվածում շատ աննշան էին: Մինչև XI դարի

¹ Քրիստոսի պատկերով ազգային դրամներ, հաճախ երկլեզվյան արձանագրություններով վրացերեն և հունարեն, թողարկվում էին Վրաստանում, Բագրատունյաց վրաց լյուդի Բագրատ IV, Գեորգի և Դավիթ Շինարար թագավորների իշխանության տարիներին: Վրաց թագավորության արձաթ դրամները շուրջ հարյուր տարվա ընթացքում՝ Դավիթ Կյուրապաղատից մինչև Դավիթ Շինարարը, կորցրել էին իրենց քաշը, և միավորը 3 գրամից դարձրել էր 1.5 գրամ:

վերջը նրանք Հայաստանի տնտեսության համար էական նշանակություն չունեցան:

XII դարի սկզբից դրամային շրջանառությունը Հայաստանում թևակոխում է իր վարձագման նոր փուլը: Այն բնորոշվում է արծաթի բացակայության պատճառով երկրի դրամային տնտեսության մեջ իշխող բիմետալիզմով (երկմետաղությամբ): Արծաթը վերացել էր ասպարեզից, ներքին շուկայում առևտուրը վարվում էր պղնձյա դրամներով, իսկ ասպարեզափոխանակության արտաքին գործարքներում հանդես էին գալիս առավելապես բյուզանդական և սելջուկյան ծագում ունեցող ոսկյա դրամները: Շրջանառության մեջ ոսկյա դրամներն ընդունվում էին բաշով, եթև նկատի ունենալով, որ տարբեր կշռա-



Բաղրատունյաց լոռվա թագավորության հայատառ պղնձյա դրամը, XII դար:

յին սիստեմների դրամային միավորները ունեին քաշի տարբեր տվյալներ և չէին կարող հատ հաշվով հանդես գալ: Արծաթի չբացումը երևում է ոչ միայն այն փաստից, որ փողերանոցները արծաթ դրամներ չէին թողարկում, այլ ընդհանրապես XII դարից մեզ չեն հասել արծաթյա կենցաղային առարկաներ, զարդեր ու զարդարանքներ, եկեղեցական սպասքներ: Այդ երևույթը, որ ծայր էր առել XI դարում Արևելյան Իրանում, արդեն XII դարում բացահայտ էր դարձել Հայաստանում և մերձավոր երկրներում:

Աշխարհագրական լայն ընդգրկումով հանդես եկած քաղաքատնտեսական այդ իրողության ծագման պատճառները մինչև օրս գտնված չեն: Դրությունն ունեն տարբեր մեկնաբանություններ, սակայն դրանցից և ոչ մեկը չի տվել հարցի վերջնական լուծումը: Հայ պատմիչներից Ստեփանոս Տարոնեցին (Ասողիկ) հաղորդում է, որ Բաղրատում թողարկում էին ցածր որակի արծաթե դրամներ՝ արձիճի և պղնձի խառնուրդով: Ավելին, Ասողիկը հիշատակում է, որ ասպարեզ էին մտել կաշուց և անգամ կավից դրամներ²: Թողնելով արծաթի լուծումի հարցը առանձին քննության, մենք կարող ենք նշել, որ Հայաստանում, XII դարում, ներքին առևտուրը վարվում էր պղնձյա իլղեզիղյան և գրյանց հետ միասին սելջուկյան ծագման պղնձյա այլ դրամներով: Նախապես լինելով Իրաքի Սելջուկյանների վասալները, Իլդեզիդյանները XII դարում շափաղանց հզորացել էին և նվաճել ոչ միայն Ադվանքը, այլև Խուզիստանից մինչև Վրաստան, ու Հայաստանի հյուսիսային շրջանները հաճախ ենթակա էին լինում նրանց իշխանությունը: Հայաստանում շրջանառության մեջ են եղել

² Ս տ ե փ ա ն ո ս Տ ա Ր Ո Ն Ե ց ի, Պատմություն տիեզերական, Ս. Պետերբուրգ, 1885, էջ 195:

Շեմս-ադ-Դին Իլդեգիդի և նրա տոհմի բոլոր ներկայացուցիչների՝ նուսրատ ադ-դին Մուհամմեդ Ջահան-Պահլավանի, Մուղաֆար ադ-դին Օսման Կիլիլ Առսլանի և Աբու-Բեկրի պղնձյա դրամները:

Հարկ է նկատել, որ Իլդեգիդյանները թողարկում էին երկու տեսակի պղնձյա դրամներ՝ կանոնավոր կերտվածքի և քիչ թե շատ կայուն քաշի և անկանոն ձևի ու խայտաբղետ կշռային չափերի պղնձյա դրամներ: Առաջինները վարկային նշանակություն ունեին արծաթի փոխարինելու համար և ընդունվում էին հատ հաշվելով, իսկ երկրորդները ընդունվում էին կշեռքի միավորներով:

Հայաստանում, մասնավորապես նրա հյուսիս-արևելյան շրջաններում, լայն տարածում են ունեցել կանոնավոր կերտվածքի Իլդեգիդյան պղնձյա դրամները: Դրանք վերաբերում են առավելապես XIII դարին:

Իլդեգիդյանների փողերանոցները գործում էին Թավրիդում, Արդեբիլում և Շամխորում: Դվինի միջնաբերդում և նրա ավերակների ողջ տարածքի վրա Իլդեգիդյան դրամները հայտնաբերվել են դանձերով և շատ առատորեն առանձին նմուշներով՝ XIII դարի նյութերի հետ կապված:

XII—XIII դարերում ապրանքային արտադրության, արհեստների ու առևտրի զարգացումը պահանջում էր դրամների մասսայական թողարկում: Մուսուլմանական դրամների վրա նշված արաբերեն արձանագրությունների իմաստը փոխվել էր: Դրանք դարձել էին խիստ հակիրճ: Բսլամի շաբլոն դարձած խոսքերը այլևս շատ չէին հիշատակվում: Այսպես, օրինակ, եթե վաղագույն թողարկման Իլդեգիդյան դրամների վրա, մասնավորապես իրեն՝ Աթաբեկ Իլդեգիդի դրամների վրա, գեռես այդ կար, ապա նրա հաջորդները բոլորովին հրաժարվել էին իսլամի աղոթք դարձած ասույթներն արձանագրելուց և դրամների վրա նշում էին միայն Իրաքի Սելջուկյան սուլթանների և իրենց անուններն ու տիտղոսները: Արդեն Իլդեգիդյան Աբու Բեկրի (1191—1210) իշխանության տարիներին դրամները թողարկվում էին միայն Աթաբեկի անունից և նրանց վրա երբեմն հիշատակվում էին ժամանակակից խալիֆի անունը, որը դարձել էր իսլամի հոգևոր հայրը (ալ-իմամ) գուտ ձևական առումով: Ուշագրավ է, որ Իլդեգիդյանները օգտագործում էին նաև Հայաստանում եղած պղնձյա բյուղանդական դրամները: Դրանց վրա նրանք խփում էին իրենց կնիքը և այդ ձևով նախկին բյուղանդական պղնձյա դրամները շրջանառության մեջ էին մտնում որպես Իլդեգիդյան դրամներ: Կրկնադրոշմ պղնձյա այդ կարգի դրամների վրա կարգացվում էր «Փառք Ալլահին» الله اعلم արաբական դարձվածքը կամ միայն Աթաբեկի անունը:

Ի տարբերություն հյուսիսային քաղաքների, Հայաստանի հարավային և արևմտյան մասերում առևտուրը XIII դարում վարվում էր Դանիշմենդյանների, Մանգուջականների, Սալգուկյանների, Արմենշահների, Օրտուկյանների, Զհլ-գյանների և էյուբյանների պղնձյա դրամներով: Սեբաստիա, Մալաթիա, Նրզընկա և այլ քաղաքներում թուրքմենական ծագում ունեցող Դանիշմենդյանները թողարկում էին պղնձյա դրամներ Հիսուս Քրիստոսի և երբեմն նաև Աստվածամոր պատկերով: Այդ դրամների վրա հունարեն տառերով արաբերեն բառեր էին արձանագրում՝ նվիրված Դանիշմենդյաններին: Հայկական լեռնաշխարհի հարավ-արևմուտքում XIII դարում տարածված սելջուկյան դրամները ուշագրավ են թե՛ նրանով, որ լինելով բացառապես պղնձից, արտացոլում են արծաթի ճգնաժամը, և թե՛ իրենց պատկերատիպերի նշանակությամբ: Իսլամի

քարացած դոգման, որով դարեր շարունակ արդելված էր դրամների վրա մարդկային կամ կենդանական պատկերներ դրոշմելը, վերացվել էր: Վերածնվել էին անցյալում շրջանառության մեջ եղած հունա-հռոմեական, սասանյան, բյուզանդական դրամների վրա եղած պատկերները: Այսպես, օրինակ, Մալաթիայում Դանիշմենդյան Մուհամմեդ Զուլկարնայնը 1162 թ. պղնձյա դրամներ էր թողարկում մարդկանց ու կենդանիների պատկերներով, որոնց շարքում նշանավոր էին Աստվածամոր պատկերով դրամները: Սալդուկյանները, որոնք հաստատվել էին Կարնո մեջ, պղնձյա դրամներ էին թողարկում սուրբ Գևորգի կամ աշխարհիկ բնույթի պատկերներով ու արաբերեն արձանագրություններով: Երզնկայում Մենգուջականներից Ֆախր ադ-դին Բահրամ շահը 1185 թ. պղնձյա դրամներ էր թողարկում արքայական դիմաքանդակի դրոշմով և արաբատառ արձանագրությամբ, սակայն առանց իսլամի աղոթք դարձած խոսքերի: Խլաթում Շահարմեններից Բեկթեմուրը 1182 թ. արաբատառ պղնձյա դրամներ էր թողարկում, որոնց վրա դրոշմված էր Սելեկյան Անտիոքոս Մեծի դրամներով այնքան տարածված մայր ձիու պատկերը: Հաճախ այդ պատկերները ալաբանական իմաստ ունեին՝ աստղադիտական նշաններ կամ երկնային մոլորակներ էին արտահայտում: Այսպես, օրինակ, Հայաստանի ծայրագույն հարավ-արևմուտքում Օրտուկյանները դրամներ էին գրվագում Մարս մոլորակի պատկերով: Մարսը ներկայացված էր որպես ահեղ տիրակալ, ծալապատիկ նստած, մի ձեռքին սուր, իսկ մյուսին՝ մարդու կտրած զուխը: Սեկուրիչ դրամի վրա պատկերված էր Աղեղնավորի համաստեղությունը ձիամարդու (կենտավրոս) կերպարանքով, որը աղեղից նետ էր արձակում վիշապի վրա: Այդպիսի պատկերներով Օրտուկյանները սաստում էին իրենց ղեմ ելնողներին: Նման պատկերներից բացի նրանք դրամների վրա արաբերեն արձանագրությամբ հարաբերում էին. «Թող նդովված լինի նա, ով կհանդգնի կեղծել այս դրամը»: Հիրավի, այդ կոչականը անհիմն չէր, պաշտոնապես թողարկված դրամները հաճախ կեղծվում էին: Բյուզանդական կայսրեր Հերակլեսի և Հերակլես-Կոստանդինի պատկերներով 1182 թ. Օրտուկյան Կուտր ադ-դին Իլ-Ղազիի դրամների վրա արաբերեն արձանագրված էին սպառնալիքի և նդովքի հիշյալ խոսքերը:

Գեղարվեստի առումով XII դարի այդ պատկերները շունեին այն կատարելությունը, որ բնորոշ էր նրանց նախատիպը հանդիսացող հունա-հռոմեական և կամ բյուզանդական դրամներին: Կարևորը այն իրողությունն էր, որ վերածնվել էին անցյալից հայտնի պատկերները: Թեև դրամները պղնձից էին, սակայն առանձին օրինակների վրա արաբերենով պարզ գրված էր արժանիքը դրամի անունը՝ դիրհամ: Սելջուկյան նմանօրինակ պղնձյա դիրհամները շրջանառության մեջ էին նվիրկերտ, Կարին, Խլաթ, Արմեն, Բերկրի, Մանաղկերտ, Երզնկա քաղաքներում և նրանց մերձավոր շուկաներում: Այրարատում, Շիրակում, Սյունիքում և ընդհանրապես Կուր-Արաքսի գետամիջում դրանք լայն տարածում չեն ունեցել:

Հայաստանի հյուսիս-արևելյան կողմերում XII դարի վերջերին նշանակալից են դառնում վրացական դրամները: Բազրատունյաց տոհմը Վրաստանում ստեղծել էր միասնական թագավորություն, որը ամրապնդվել էր դեռևս Դավիթ Շինարարի (1089—1125) թագավորության տարիներին, ոչ միայն արտաքին թշնամիների, այլև երկրի ներսում կենտրոնախույս ազնաւորների ղեմավարած հաղթանակների շնորհիվ: Արդեն Թամար թագուհու (1184—1213) ժա-

մանակ Վրաստանը հանդես էր գալիս որպես Սելջուկյաններից անկախ երկիր։ Վրաց թագավորներն ունեին իրենց սեփական դրամները։ Դրանք թողարկվում էին բացառապես պղնձից և ունեին երկլեզվյան՝ վրացերեն և արաբերեն կամ երբեմն վրացերեն ու պարսկերեն արձանագրություններ։ Հայաստանում, հատկապես նրա հյուսիս-արևելյան կողմերում, XII դարի վերջերից շրջանառության մեջ են մտնում վրաց Գեորգի III (1156—1184) թագավորի դրամները։ Վերջիններիս մի երեսին պատկերված էր ինքը՝ վրաց արքան, ծալապատիկ նստած, գլխին թագ, ձեռքին արծիվ և շուրջը վրացերեն գրված նրա անունը և դրամի թողարկման տարեթիվը։ Դրամի մյուս երեսին արաբերեն արձանագրություն էր. «Թագավոր թագավորաց Գեորգի որդի Դիմիտրի, սուրը Մեսսիայի»։ Հետագայում՝ XIII դարի սկզբից, առավել լայն տարածում են գտնում Թամար թագուհու և նրա երկրորդ ամուսնու՝ Դավիթ Սոսլանի դրամները։

Շրջանառության մեջ դրանք անմիջապես ճանաչելի էին իրենց մի կողմի վրա ունեցած Բագրատունյաց տոհմանշանի դրոշմով։ Նրանց վրա արաբերեն արձանագրված էր. «Թագուհինների թագուհի, երկրի և կրոնի վեհություն՝ Թամար, Իուստր Գեորգիի, Մեսսիայի երկրպագուհի»։ Վրացերեն գրերով հիշատակված էին Թամարի և Դավիթի անունները, ինչպես նաև դրամի թողարկման տարեթիվը։ Արծաթի բացակայության պայմաններում վրաց Բագրատունիները իլդեգիդյանների նման թողարկում էին կանոնավոր և անկանոն կերտվածքի պղնձյա դրամներ։ Առաջինները վարկային նշանակություն ունեին արծաթի փոխարեն և ընդունվում էին հատ հաշվով։ Մինչդեռ անկանոն կերտվածքի (ոչ կլոր) և խայտաբղետ քաշի պղնձյա դրամները առևտրում ընդունվում էին քաշով։ Անի քաղաքի և Գառնի ամրոցի հնագիտական պեղումներից հայտնաբերված դրամագիտական նյութերը վկայում են, որ Թամար թագուհու օրոք Բագրատունյաց տոհմային նշանով կանոնավոր կերտվածքի վրացական պղնձյա դրամները լայն տարածում են ունեցել Հայաստանում։ Վրաց կաթողիկոս Եպիփանեսը հաղորդում է, որ 1218 թ. Անի քաղաքում եկեղեցական հարկերը գանձվում էին «Թբիլիսյան» դրամներով³։ Վերջիններս, ամենայն հավանականությամբ, Հայաստանում շատ տարածված Թամար թագուհու պղնձյա կանոնավոր կերտվածքի դրամներն էին։

XIII դարի երկրորդ բառորդի վերջում Հայաստանի հյուսիս-արևելյան կողմերում շատ աննշան թափանցել էին Թամարին հաջորդող Գեորգի I-ին (1213—1222) և Խորեզմի շահ Ջալալ ադ-դինի պղնձյա դրամները։ Ջալալ ադ-դինի դրամները թողարկվել էին Թիֆլիսում հիջրայի 623 (=մ. թ. 1226) թ. և շնայած պղնձից էին, բայց իրենց վրա, արաբատառ արձանագրությամբ, ունեին արծաթ դրամի անունը՝ դիրհեմ درهم 111 այսինքն՝ հանդես էին գալիս արծաթ դրամի փոխարեն։ Մոնղոլական արշավանքներից հալածված սուլթան Ջալալ-ադ-դին Մանգուբերդին զորքով մտել էր Վրաստան և տեղի վրացական դրամների վրա դրոշմել էր իր անունը։ Ջալալ-ադ-դինի արաբատառ այդ դրամների վրա հաճախ երևում էին նախկինում եղած վրաց դրոշմի հետքերը։

Հայաստանում տարածված վրացական դրամների վերջին խումբը Ռուսուդան թագուհու (1222—1245) պղնձյա դրամներն էին։ Դրանց վրա մի կողմից վրացերեն գրված էր Ռուսուդանի անունը և քրոնիկոնի 447 (=մ. թ. 1227) ։

³ Д. Г. Капанадзе, Грузинская нумизматика, М., 1955, էջ 68։

տարեթիվը, իսկ մյուս կողմից արաբերեն գրողմած էր. «Թագավորների ու թագուհիների թագուհի, երկրի, պետության և հավատի վեհություն, Քամարի զուստր Թուսուդան, Մեսսիայի երկրպագուհի, թող աստված բարձր պահե նրա հաղթանակները»։ Շրջանառության մեջ գրանք հանդես էին գալիս իրենց իրական դերով, որպես պղնձյա գրամներ։ Այդ ժամանակ արդեն վերացել էր «արծաթի ձգնաժամը», և պետությունները նորից սկսել էին թողարկել իսկական արծաթ գրամներ։ Դարավոր ընդմիջումից հետո Արևելքի միջազգային շրջանառության մեջ վերականգնվել էր արծաթ գրամի՝ որպես գրամային հիմնական միավորի գործառնական նշանակությունը։

Արծաթ գիրհեմի կշռային չափը շէր փոխվել։ Այն թողարկվում էր նույն քաշով՝ 2,97 գրամ, ինչպես որ անցյալում սահմանված և հայտնի էր դեռևս մինչ արծաթի ձգնաժամը։

XIII դարի 30-ական թթ. գրամային շրջանառությունը Հայաստանում թևակոխում էր իր զարգացման նոր փուլը. որ բնորոշվում էր մոնղոլական արծաթ գրամների լայն տարածմամբ։ Հայաստանում գտնված վաղագույն մոնղոլական արծաթ գրամները վերաբերում են 1232—1233 թթ.։ Դրանք չինգիզյան գիրհեմներ էին, թողարկված Չինգիզի որդի Ուզեդեյ խանի գերագույն իշխանության տարիներին, սակայն առանց նրա անվան հիշատակության։ Այդ անանուն արծաթե գրամների վրա արաբերեն գրողմած էին մի կողմից մոնղոլական գերագույն տիրակալի «արդարադատ» անվանումը, իսկ մյուս կողմից՝ մուսուլմանական հավատի խոսքերը։ Արաբատառ գրություններից բացի այդ գրամների վրա նշված էր մոնղոլական զինանշանի՝ աղեղի պատկերը։ Մոնղոլների վարչական բաժանմամբ Հայաստանը և հարևան երկրամասերը (Վրաստան, Ադրբեջան, Դիարբեքիլի մարզը) մտել էին մոնղոլական հինգերորդ ուլուսի մեջ։ Մինչև 1260 թ. այդ ուլուսը կառավարվում էր մոնղոլական փոխարքայի կողմից, որը կոչվում էր ուլուս-բեկ։ Վերջինիս վարչական կենտրոնը գրտներվում էր Թավրիզում, իսկ փողերանոցները գործում էին ոչ միայն Թավրիզում, այլև Բայրականում, Գյանջալում, Թիֆլիսում և այլուր։ Թողարկվում էին գիրհեմներ և նրանց կես մասը կազմող միավորներ։ Դիրհեմներից պահպանված օրինակները կշռում են 2,74—2,83 գրամ արծաթ։

XIII դարի 40-ական թթ. շրջանառության մեջ են մտնում նոր պատկերատիպի չինգիզյան արծաթ գրամներ, թողարկված Ուզեդեյի մահից հետո նրա աչրու՝ Թուրակինա խաթունի (1241—1245) իշխանության տարիներին։ Դրանց մի կողմի վրա պատկերված է ձիավոր, որը իր աղեղից նետ է արձակում հեռվում երևացող թռչունի վրա, իսկ վերևից արաբատառ թուրքերենով արձանագրված է. مَمْلُوكُ الْوَسْ مَمْلُوكُ الْوَسْ «Մեծ մոնղոլական Ուլուս բեկ»։ Մյուս կողմից չորս տողով արաբերեն գրողմված են մուսուլմանական հավատի խոսքերը, ինչպես նաև գրամի թողարկման տարեթիվն ու քաղաքի անունը։ Հայաստանում շրջանառության մեջ էին մտել արծաթ գրամներ, որոնց վրա մուսուլմանական հավատի խոսքերը ներկայացվում էին առանց Մուհամմեդի անվան հիշատակի և չկա նրան հավասարը»։ Այս խմբագրությամբ հավատի խոսքերը ընդունելի էին դարձել։

Մոնղոլական տիրապետության սկզբնական շրջանում արծաթ գրամներն առևտրում բարձր էին գնահատվում։ Փոխանակությունը ոսկու և արծաթի միջև

նշվում էր 1 : 6,64 հարաբերությամբ: Հանդես էին եկել հաշվային նոր միավորներ՝ «բալիշ» և «թուման» անուններով: Բալիշը թուրանական բառ էր, որ նշանակում էր դրամագլուխ: Մեկ բալիշը կշռային առումով կազմում էր 500 մսխալ: Հաշվառքի մեջ գործածում էին ոսկի կամ արծաթ «բալիշ» հասկացողությունները: Ուգեդեյ խանի (1229—1241) իշխանության տարիներին ամենամեծ հաշվային միավորը թուման բալիշն էր: Մեկ «թումանը» հավասարազոր էր 10000 դինարի, այսինքն տասը հազար ոսկի դրամի:

Դրամային միավորների արաբերեն հին անունները՝ դինար, դիրհեմ, ֆելու (ոսկի, արծաթ, պղնձից դրամների համար) շարունակվում էին պահպանվել նույն հասկացողություններով: Սակայն պղնձյա դրամի համար առաջացել էր նաև «դանգ» անունը: Երբեմն թողարկվում էին ծանր քաշի արծաթ դրամներ, որոնք կոչվում էին արծաթ դինար: Հարկ է նկատել, որ մոնղոլական տիրապետության վաղ շրջանում միջազգային առևտուրը Հայաստան էր բերում նաև Փոքր Ասիայի սելջուկյան սուլթանների արծաթ դրամները, թողարկված Կայսարիայում, Կոնիայում և Սվասում:

XIII դարի երկրորդ քառորդի գանձերում Ռումի սելջուկյան արծաթ դրամները ներկայացված են նշմարելի առատությամբ: Հետագայում XIII դարի 50—70-ական թթ. Հայաստանում լայն տարածում են գտնում հուլադույան դրամները: Մանգու խանի եղբայր Հուլադուն իր զորքերով նվաճել էր Հայաստանը, Արևելյան Վրաստանը, Շիրվանը, Ադրբեջանը, Արաբական և Պարսկական Իրաքները, Խուզիստանը, Փոքր Ասիան և նրան հարևան երկրամասերը: Հիշյալ բոլոր երկրներում մոնղոլական իշխանությունները թողարկում էին իրենց դրամները: Կային արծաթ դրամներ Մանգու խանի և նրա եղբոր՝ Հուլադուի անուններով: Թողարկվում էին դրամներ հաճախ առանց անունների, որոնց վրա մի կողմից արաբերեն գրված էր. «Արդարադատ խան», իսկ մյուս կողմից՝ մուսուլմանական հավատի խոսքերը: Երբեմն այդ անանուն դրամների վրա նշվում էին նաև նրանց թողարկման ամսանունները: Աբաղա խանի (1265—1281) իշխանության տարիներին հայկական քաղաքներում թողարկվում էին պղնձյա դրամներ երեք տարբեր լեզուների արձանագրություններով՝ մի կողմից հայերեն և արաբերեն, իսկ մյուս կողմից՝ ուլգուրերեն: Այդ դրամների վրա պատկերված էր հավասարաթև խաչ, որի անկյուններում կային հայերեն կրճատ գրեր՝ ՏՐ//ԱՄ//ՅՍ//ՔՍ— «Տեր Աստուած Յիսուս Քրիստոս» և դրանց զուգահեռաբար արաբերեն արձանագրված էին քրիստոնեական հավատի խոսքերը:

(ՅԱՆՈՒՆ ՀՕՐ ԵՒ ՈՐԴԻՈՅ ԵՒ ՀՈԿԻՈՅՆ ՍՐԲՈՅ ԱՍՏՈՒԾՈՅ ՄԻԱԾԻՆ):

Թուրանական լեզվի ուլգուրերեն արձանագրությունը ընթերցվում էր ուղղահայաց՝ վերևից ներքև և ձախից դեպի աջ. հազանով/ներեբեր/Աբաղաուն: Դեկտակգյուլյուկ/սեն— «թողարկված է գերագույն խանի անունից և հանդիսանում է Աբաղա խանի դրամը»: Բացի այդ, ուլգուրերեն գրությանը կից գրվում էր նաև քրիստոնեական խաչը: Քրիստոնեական աղոթքի խոսքերով մոնղոլական արծաթե դրամների շրջանառությունը Հայաստանում հարատևեց մինչև XIV դարի սկիզբը: Դրանք 90 տոկոս մաքուր արծաթի պարունակությամբ դիրհեմներ էին, որոնց վրա մի կողմից չորս տողով արաբական գրերով արձանագրված էին. بِسْمِ الْاَبِ وَالْاَمِينِ وَ رُوحِ الْقُدُسِ الْاِلهِ وَاحِدٌ (Յանուն հօր և

որդույն և հողույն սրբոյ Աստուծոյ միածին) բառերը: Այդ արձանագործութիւնն ավարտւում էր քրիստոնեական խաչ նշանով, որ նշված էր փոքրիկ, բայց պարզ ձևով: Մյուս կողմից, այդ դրամների վրա չորս տողով ույգուրերեն արձանագործված էր, որ թողարկված են մոնղոլական ծագման Հուլաղույան խանի հրամանով: Արղուն խանի (1284—1291) օրոք ույգուրական գրությանը կից հաճախ գրվում էր նրա անունը՝ արաբերեն գրությամբ, ինչպես նաև գրոշմվում էին կենդանակերպ պատկերներ՝ թռչուն, հովազ, վիշապ, նապաստակ, շուն, ձի և



Հուլաղույան արծաթ դրամներ, XIII դար:

այլ սիմվոլներ՝ կապված թուրանական 12-ամյա տոմարի հետ: Դիրհնմից բացի թողարկում էին նաև նրա 1/4 մասը ներկայացնող արծաթ դրամային միավորներ: XIII դարի վերջերին հուլաղույանների վարչական և զինվորական մեծաքանակ ծախսերը բացառել էին նրանց դրամային անտեսությունը:

Գալխատու խանի հրամանով, հիշրալի 693 (1293—1294) թ. պաշտոնապես արգելվեց ոսկուց և արծաթից դրամներ թողարկելը: Խանի հրամանով սկսեցին թողարկվել թղթե դրամներ, որոնք կոչվում էին «չառ»: Թղթե դրամներին տալով ստիպողական շրջաբերություն, Հուլաղույանները նպատակ ունեին արգելել ոսկու և արծաթի հոսքը իրենց տիրապետության սահմաններից դուրս: Սակայն այդ արգելքը խափանեց առևտրի զարգացումը, և փոխանակություն սկսեց կատարվել բնատուր ձևով: Թղթե դրամները երկար կյանք չունեցան: Արղեն Ղաղան Մահմուդ (1295—1304) խանի ժամանակ հատուկ ուփոխումով մշակվեց դրամակշռային միասնական սիստեմ և պաշտոնապես ար-

գնվեց այդ սիստեմից տարբեր որևէ այլ կարգի դրամների թողարկումը՝ Սահմանվեց դրամների նոր տիպ։ Նրանց վրա նշվում էին պաղս-պա այբու-բենի երեք փակագիր տառերը, որոնք հանդիսանում էին Ղազան Մահմուդի անվան կրճատ ձևը։ Աբաբերենով նշվում էին մուսուլմանական հավատի խոս-քերը՝ նվիրված Ալլահին և Մուհամմեդին, ինչպես նաև իրեն՝ իլխանին։ Մոն-ղոլական գրություններն առավել լատինիկ էին դարձել և ազդարարում էին, որ դրամը թողարկվել է Աստուծու կառքով Ղազան Մահմուդի կողմից։ Հիմնական



Մոնղոլական (Հուլաղույան) և սելջուկյան (Փոքր Ասիայի) արծաթ դրամներ, XIII—XIV դարեր։

դրամային միավորը հանդիսանում էր արծաթ դիրհամը 2,145 դրամ միջին քաշով։ Թողարկվող արծաթյա դրամների մեջ արծաթի պարունակությունը բարձրացվել էր։

Եթե հին թողարկման հատաձույլ կլորակների մեջ արծաթը կազմում էր տասը բաժնից յոթը, ապա Ղազան Մահմուդի ռեֆորմով նրանց մեջ 10-ից 9-ը արծաթ էր։ Հին թողարկման արծաթ դրամները հանձնում էին պետությանը և փոխարենը ստանում համարյա նույն քաշով նոր թողարկման արծաթի դրամներ։ Բարձրացվել էր նաև ոսկե դրամների օրակը։ Հարաբերությունը ոսկու և արծաթի միջև դարձել էր 1 : 12 չափով։ Միառժամանակ կասեցվեց ոս-

4 Մինչ Ղազան Մահմուդի ռեֆորմը Հուլաղույանների տիրապետության մեջ բնդունվում էին տարբեր կշռային սիստեմներով թողարկված դինարներ, որոնք հայտնի էին «խալիֆաթի», «մադրիթի», «միսրիթի», «խորմուզի» և այլ անուններով։

կու և արծաթի հոսքը գեպի Հնդկաստան, ուր նրանց փոխհարարերությունը ընթանում էր 1 : 10 շափով:

Հատուկ հրամանով կարգավորվել էր նաև կշռային սխառնմբ: Ոսկին և արծաթը կշռվում էին թավրիղյան կշռային չափերով, որոնք ճանաչվել էին պետության կողմից իբրև օրինական չափեր: Բոլոր մնացած կշռային սխառնմբերը բաղդատվում էին թավրիղյանի հետ: Դրամային միավորների հին անունները (սասնավորապես արծաթի և պղնձի) չէին փոխվել: Սակայն ոսկե դրամի համար հանդես է եկել նոր անվանում՝ «ղաղանի»: Վեց արծաթ դրամը հավասարազոր է մեկ արծաթ դինարի, որը կշռում էր մոտ երեք մսխալ: Ամենախոշոր արծաթե դրամային միավորը հանդիսանում էր երեք դինարը, որը կոչվում էր «միրի»: Թումանը մնում էր իբրև ամենախոշոր հաշվային միավորը և հավասար էր տասը հազար արծաթ դինարի: Բազմաթիվ փողերանոցներ մասսայաբար թողարկում էին Ղաղան Մահմուդի ռեֆորմով սահմանված նոր դրամներ, որոնց առևտուրը Հայաստան էր բերում Հուլաղույանների տիրակալության տարբեր քաղաքներից: Շրջանառության մեջ էին արծաթ դրամներ, թողարկված Անիում, Գառնիում, Պարտավում, Նախնավանում, Խլաթում, Արճեշում, Սալմաստում, էրզրումում, Երզնկայում, Սվասում, Թոխաթում, Սինջարում, Սամսունում, Գյումուշ-Բաղարում, Անկարայում, ինչպես նաև Ղաղվին, Ամասիա, Սուլթանիա, Քաշան, Իսպահան, Աստրաբադ, Վասիտ, Մոսուլ, Բաղդատ, Թավրիզ, Մարաղա, Մարդին, Իրբիլ, Շիրազ, Բասրա և այլ քաղաքներում: Այդ եւն վկայում Հայաստանում գտնված գանձերը: Ուշագրավ է, որ Ղաղան Մահմուդի (1295—1304) իշխանության տարիներին Անի քաղաքում թողարկում էին պղնձյա դրամներ Քրիստոսի պատկերով, ըստ որում, այդ պատկերը շատ ազնաւոված էր: Ուլգուրական և արաբերեն գրերով նշված էր, որ դրամը գրվագվել է կարողություններն Աստուծո, Ղաղան Մահմուդի հրամանով: Առավել շատ թողարկում էին արծաթե կրկնակի դիրհմներ: Սակայն Ղաղան Մահմուդի ֆինանսական բարենորոգումները երկար կյանք չունեցան: Արդեն XIV դարի սկզբից արծաթ դրամի կշիռը և նրանում մաքուր արծաթի պարունակությունը նորից սկսեց նվազել: Փոխվեց նաև դրամների վրա գրոշմրված արձանագրությունների իմաստը: Ընդունելով շիական դավանանքը, Ղաղան Մահմուդի հաջորդը՝ Հուլաղույան Օլջեյդու սուլթանը (1304—1316), դրամների վրա գրոշմել տվեց Ալլիի և շիական 11 իմամների անունները: Թողարկվում էին կրկնակի դիրհմներ և դինարներ: Երբեմն, արտակարգ տոնական իրադարձությունների առթիվ, որպես պարգև, թողարկում էին տասը մսխալ (42,6 գրամ) քաշով մաքուր ոսկուց խոշոր շքադրամներ, սակայն դրանք ընդհանուր վիճակի համար բնորոշ չէին: Դրամային տնտեսության սնանկացումը գնալով բացահայտ էր դառնում: Արծաթ դրամի միջին քաշը նվազելով, արդեն 1336 թ. դարձել էր 1,43 գրամ:

Ոսկե դրամներ թողարկվում էին շատ քիչ: Մեկ ոսկյա դրամը (դինար) կշռում էր մեկ մսխալ (4,26 գրամ): Քաղաքային կյանքի ներքին մասն առուծախի համար թողարկվում էին տեղական կերտվածքի պղնձյա դրամներ: Անի քաղաքում XIV դարի սկզբին գրվագում էին արևի և առյուծի պատկերով խաչանիշ պղնձյա դրամներ: Դրանց վրա գրությունները արտաքնապես նման էին արաբերենին: Բայց դա միայն արտաքնապես էր: Իրականում այդ գրություններն արաբերենի անընթեռնելի ընդօրինակություններ էին, կատարված արաբերեն չիմացող տեղացի վարպետների կողմից: Հարկ է նկատի ունենալ, որ

միջազգային առևտրում արաբատառ արձանագրություններով դրամները տիրապետող նշանակություն ունեին: Աբլամութքում և Արևելքում քրիստոնեական շատ պետություններ ընդօրինակում էին մուսուլմանական դրամի պատկերատիպը և Ալլահի ու Մուհամմեդի անուններով թողարկում էին ոսկյա և արծաթյա արաբատառ դրամներ: Այդ իրողությունը հաճախ նրանց դեմ հարուցում էր Հռոմի պապի դաշույթը: Հետագայում արաբական դրերով արձանագրում էին քրիստոնեական հավատի խոսքերը:



Անի, քաղաքային պղնձյա դրամներ, 1342—1343 թթ.:

Անի քաղաքում Սուլեյման խանի (1339—1344) իշխանության տարիներին թողարկվում էին պղնձյա դրամներ, որոնց վրա Քրիստոսի պատկերի փոխարեն կար մարդկային մի կերպարանք, ծալապատիկ նստած, ձեռքերը դեպի վեր պարզած, շուրջը շորս կողմից հայերեն գրերին նմանվող տառեր: Այդ տառերը մինչև օրս էլ մնացել են անընթեռնելի: Ի՞նչ նշաններ են դրանք: Հայկական դրեր, թե՞ նրանց նմանվող զարդաձև նախշեր, դեռևս պարզված չէ: Բայց որ դրանք թողարկվել են Անի քաղաքում 1341—1343 թթ. Սուլեյման խանի անունով, որոշակի երևում է նրանց վրա եղած արձանագրություններից:

Չնչին քաշի այդ փոքրիկ (1,85 գրամ) պղնձյա դրամները, որոնք հայտնաբերվել են Անիում, հնագիտական պեղումների շնորհիվ, Հայաստանում լայն տարածում չեն ունեցել: Դրանք թողարկվել են քաղաքային շուկայի համար: Հայաստանի և նրա հետ առնչված երկրների համար կարևոր էին մասսայաբար թողարկվող արծաթ դրամները: Ծակայն XIV դ. երկրորդ քառորդում, արծաթի սղությունը նկատելի էր դարձել, և փողերանոցները արծաթ դրամների հետ թողարկում էին նաև տարբեր արժեքի դրամներ անագի և պղնձի խառնուրդով: Արծաթի դինը նորից բարձրացել էր: Հարաբերությունը ոսկու և արծաթի միջև նշվում էր 1 : 8,38 չափով: Արծաթ դրամների արժեքազրկման մասին վկայում են այդ ժամանակներից մեզ հասած դիրհմները: Այսպես, օրինակ, XIV դարի 30—40-ական թթ. շուրջ տասը տարվա ընթացքում արծաթ

գրամի քաշը նվազելով հասել էր 0,52 գրամի: Բացի այդ, արծաթ գրամը կիսով չափ ալյուս արծաթ չէր, այլ ուներ իր մեջ 48,80—49,35 տոկոս պղնձի խառնուրդ: Այդպիսի արծաթ գրամներ թողարկում էին Տուղա Թեմուրի, Ջան-հան-Թեմուրի, Սուլեյման և Ահմեդիբեկյան խաների իշխանության տարիներին՝ 1336—1350 թթ.:

XIV դարի հրկրոգի կեսին, քաղաքային իրադրության փոփոխման հետ կապված, շրջանառության մեջ են մտնում արդեն նոր գրամներ:

ԱՆԻ ՔԱՂԱՔՈՒՄ ԿՏՐՎԱՆ ԸՌԻԱՂՈՒՅԱՆ ԴՐԱՄՆԵՐԻ ԺԱՄԱՆԱԿԱԳՐՈՒԹՅՈՒՆԸ
ՂԱԶԱՆ ՄԱՀՄՈՒԴ ԽԱՆԻ ԱՆՈՒՆՈՎ

Արծաթ, հրկրամ,	հիշրալի	700 (= մեր 1300—1301) տարեթվով:
» » »	»	701 (= մեր 1301—1302) »

ՕԼՋԵՅՏՈՒ ԽԱՆԻ ԱՆՈՒՆՈՎ

Արծաթ, հրկրամ,	հիշրալի	707 (= մեր 1307—1308) տարեթվով:
----------------	---------	---------------------------------

ԱԲՈՒ-ՍԱԻԴ ԽԱՆԻ ԱՆՈՒՆՈՎ

Ոսկի, հրկրահար,	հիշրալի	717 (= մեր 1317—1318) տարեթվով:
Արծաթ, հրկրամ,	»	719 (= մեր 1319—1320) »
» » »	»	720 (= մեր 1320—1321) »
» » »	»	723 (= մեր 1323—1324) »
» » »	»	725 (?) մեր 1324—1325) »
» » »	»	728 (= մեր 1327—1328) »
» » »	»	729 (= մեր 1328—1329) »

ՄՈՒՀԱՄՄԵԴ ԽԱՆԻ ԱՆՈՒՆՈՎ

Արծաթ, հրկրամ,	հիշրալի	727 (= մեր 1336—1337) տարեթվով:
» » »	»	738 (= մեր 1337—1338) »

ՍԱՏԻ ԲԵԿ ԽԱՆԻ ԱՆՈՒՆՈՎ

Արծաթ, հրկրամ,	հիշրալի	739 (= մեր 1338—1339) տարեթվով:
----------------	---------	---------------------------------

ՍՈՒԼԵՅՄԱՆ ԽԱՆԻ ԱՆՈՒՆՈՎ

Արծաթ, դրամ,	հիշրալի	740 (= մեր 1339—1340) տարեթվով:
» » »	»	741 (= մեր 1340—1341) »
» » »	»	742 (= մեր 1341—1342) »
Պղինձ, »	»	742 (= մեր 1341—1342) »
» » »	»	743 (= մեր 1342—1343) »
Արծաթ, »	»	743 (= մեր 1342—1343) »
» » »	»	744 (= մեր 1343—1344) »

ԱՆՈՒՇԻՉՎԱՆ ԽԱՆԻ ԱՆՈՒՆՈՎ

Արժարժ,	դրամ,	Բիշրայի	745 (= ժԼր 1344—1345) տարեթիվով
»	»	»	746 (= ժԼր 1345—1346) »
»	»	»	747 (= ժԼր 1346—1347) »
»	»	»	748 (= ժԼր 1347—1348) »
»	»	»	750 (= ժԼր 1349—1350) »
»	»	»	751 (= ժԼր 1350—1351) »
»	»	»	752 (= ժԼր 1351—1352) »
»	»	»	756 (= ժԼր 1355—1356) »

ДЕНЕЖНОЕ ОБРАЩЕНИЕ В АРМЕНИИ В IX—XIV ВЕКАХ

Х. А. МУШЕГЯН

(Р е з ю м е)

Исследование нумизматического материала Армении IX—XIV вв. дает ценный материал об истории денежного обращения страны, о денежно-весовых системах и главных направлениях торговых связей.

В армянских городах в IX—X вв. обращались куфические дирхемы, выпущенные в различных краях Восточного халифата. Наиболее массовое распространение имели аббасидские монеты, чеканенные как в городах Армении, так и Сирии, Ирака, Ирана. До конца X в. денежное обращение Армении развивалось в сфере внутренней и внешней торговли Арабского халифата. Куфические дирхемы, чеканенные в городах Армении, благодаря международной торговле проникали в экономические центры северо-восточной Европы. В период распада халифата, в связи с формированием на его территории новых феодальных государств, наблюдается прилив куфических дирхемов и других династий.

С конца X в. и особенно в XI в. изменяется состав денежного обращения страны. Отмечается резкое ухудшение качества серебряных монет, о чем свидетельствуют низкопробные дирхемы Шеддадинов. Активную роль начинают играть медные и золотые византийские монеты. Золотые монеты Византии принимались как на внутреннем, так и на внешнем рынке, а медные имели сугубо местное значение. Низкопробность шеддадидских дирхемов уже указывает на первые признаки кризиса серебра, о котором не упоминают письменные источники. В конце XI в. серебро почти совершенно исчезает из денежного обращения. Вместо серебряных монет в XII в. выпускались медные, но с тем же названием «дирхем». Обозначение слова «дирхем» на медных монетах давало последним кредитное значение.

В эпоху так называемого «медного дирхема» в северных областях Армении обращались медные монеты атабеков Азербайджана и Багратидов Грузии, а в юго-западных краях — медные монеты Ортукидов, Зенгидов, сельджуков Ирака, Эюбидов, Данишмендидов, Салдукидов, Бектимуридов и др.

В торговые центры северной Армении с конца первой четверти XIII в. проникают медные грузинские монеты, чеканенные от имени царицы Русудан. К этому времени вновь появляются чисто серебряные монеты—реальные дирхемы, которыми уже в 30-х годах XIII в. отмечается конец «серебряного кризиса». Возобновление выпуска серебряных монет способствовало развитию товарно-денежных отношений Армении с внешним миром. В самом начале в обращение поступали серебряные монеты сельджуков Рума и Чингизидов, а со второй половины XIII в. получают массовое распространение серебряные монеты Хулагуидов, монетные дворы которых функционировали во многих городах Востока, в том числе в наиболее важных торговых центрах Армении.

В статье рассматриваются типологические особенности монгольских монет с армянскими надписями, а также состояние денежного хозяйства Армении при последних Хулагуидах. В конце ее прилагается хронологический список хулагуидских монет, чеканенных в армянском городе Ани